

萬曆起居注

北京大學出版社

221257
171
12

萬曆起居注



55663



封面提字：陶俊山

封面设计：周永喜 高立明 何景贤

万历起居注（全九册）

北京大学出版社出版发行

北京大学图书馆文献部印刷

1988年10月第一版 1988年北京第一次印刷

787×1092毫米 1/16

印数：1—200册

ISBN 7-301-00612-8/K·041



出版说明

这次正式影印出版的《万历起居注》是迄今存世的最早的起居注。起居注由来已久，先秦史官的职责就是记录帝王言行，『君举必书』。汉代始有起居注名称，汉武帝时有所谓《禁中起居注》，东汉时有《明帝起居注》。北魏孝文帝太和十四年（490年）第一次设立起居令史之官，另有修起居注、监起居注等官，专门记录皇帝言行、朝政大事，起居注制度逐渐完善起来，至明清历代相沿仿效。明朝中期一度中断，但到万历时又恢复了起居注制度，今存《万历起居注》即当时记录的传抄本，也是清代以前历代仅存的较完备的起居注。

起居注是历代王朝修实录与正史的主要依据。由于起居注是皇帝近侍史官原始记录，史料不仅具有原始性，而且也更具有真实性，是一朝的大事记录。所记不仅包括皇帝言行，而且广泛记录一代政务活动、财政经济、政治制度、国典朝章、官吏任免、军事活动、历史事件、民族关系等等，记事不厌其详。然而，明清以前，正史修成，起居注、实录便付之一炬，不留一字，唯恐泄露其中秘密。明清实录幸被保留，而起居注则不免毁灭

厄运，今存《万历起居注》、《康熙起居注》等，实在是凤毛麟角。

《万历起居注》虽系旧抄本，仍为海内稀见秘笈。据千顷堂、澹生堂书目载为二十卷，今本不分卷，当非一本。这次出版的《万历起居注》是北京大学图书馆所藏明末清初抄本，民国抄本补配而成，是今本中最完整、记事最多的一个本子，其中元年的记事部分，为北大馆独家所有。今天，这部起居注第一次影印公诸于世，为明史研究又提供了大量稀见史料，这无疑是为海内外社会科学学者和广大读者盼望已久的福音。对于各学校、研究单位、公共图书馆来说，它也具有永久的保存价值。

北京大学出版社一九八八年七月十五日

萬曆八年正月辛丑朔

上御皇極殿受羣臣朝賀賜三輔臣其尊爾饜

四日甲辰輔臣張居正奏近該吏部駁臣制滿

遵奉勅諭題請加恩隨奉聖旨朕元輔社

稷重臣受先帝顧託翊戴朕躬以及大婚弼成治

理勲績隆茂着加太傅歲加祿米一百石原廕武職

伊男陞一級世襲着南鎮撫司僉書管事用副朕酬

獎元功至意臣聞命驚惶拊躬局促仰惟皇上

鴻仁下逮駿惠旁敷徃因嘉禮之成肆舉敘勞

之典以臣叨居首辟加惠獨先念臣方在宅憂懸賞

以待茲允部臣之請渙頒追錄之恩三錫殊榮

一朝並至既已奉有 成命詎宜仰瀆 宸嚴但臣
自揣疎庸誤承 眷遇一從受事以至於今每自省
循諸所蒙被豈獨近代臣人之所稀覯抑亦在昔載
記之所罕聞即如頃者服制未除預垂 清問迄于
祥禱甫屆適降 溫綸 袞辭塵十札之褒 珎貺
踰百朋之重黃金白璧炫耀門庭錦綺華章充溢筐
篚臣伏思惟益益之器不啻盈矣鼯鼠之腹亦既飽
矣及今克自抑畏庶幾獲免傾危而決旬之間 豈
施荐及越歲之後 異命重申注之已盈而不虞其
將覆噉之過飽而不慮其難容在輿論為未孚九天
道之所忌此臣所以夙夜匪寧凌競罔措者也伏望

聖慈鑒臣素悃俾仍舊貫 持寢新恩庶愚分獲安
幸道顛隕之咎微軀未隕得紆銜結之忠臣誠不勝
戰兢跼蹐懇切 命之至得 旨卿保迪朕躬夙
夜匪懈輔宣化理茂著成功眷德酬勲宜從優典朕
體卿謙讓至情今次所頒恩數欲卿安受視 先朝
施及元臣故事已自不同朕心方以為歎卿豈可復
行遜避宜勉遵成命以慰朕懷所辭不允吏部知道

六日丙午

上御皇極殿太常寺奏孟春祭享 太廟 命禮部
右侍郎兼翰林院侍讀學士余有丁為禮部左侍郎
仍兼翰林院侍讀學士掌詹事府事照舊充 經筵

講官

九日己酉

上親享 太廟 輔臣張居正又 奏昨臣以蒙
恩殊常具奏辭免該文書官姚秀送本到閣口傳
天語着同官二臣稟擬 溫旨勉臣遵奉不必再辭
隨奉 聖旨卿保迪朕躬夙夜匪懈輔宣化理茂著
成功春德酬勲宜從優典朕體卿謙讓至情今次所
頒恩數欲卿安受視 先朝施及元正故事已不自
同朕心方以為歎卿豈可復行遜避宜勉遵成命以
慰朕懷所辭不允仰惟 聖眷優崇 宸綸藹郁敢
不祇若用彰 寵榮但臣自以蒙被過隆難於報答

涯分久溢恐致顛危故屢次瀆陳非敢矯飾誠省躬
揣分有萬萬不能自安者也今奉 聖諭諄切又該
同官二臣咸導臣以將順戒臣以抗違臣竊伏思惟
俯自斟酌因憶前年恭侍 皇上日講曹奉 面諭
先生功大朕無可為酬只是看顧先生子孫便了臣
每念及此輒為涕零夫施及於己身者其恩尤淺施
及於子孫者其恩為深戴德於一時者其報有盡戴
德於後世者其報無窮今蒙 聖恩憐念臣男擢之
衛司延以世賞貌焉弱息荷此 殊榮斯蓋 前諭
所謂看顧臣子孫惓惓之意也臣不勝感激不勝頂
戴謹拜手祇頌仍囑臣後嗣世效犬馬仰報 生成

惟是三公崇階以待者碩在 本朝文職咸不敢居
萬鍾厚祿以賜勲親臣昔已蒙 恩豈宜重冒惟此
二項 殊典揣已終不敢當伏望 聖慈俯鑒臣愚
准臣量受臣男陞廕其太傅祿未之加 俯容辭
免庶 橫恩不^致於濫及微分亦得以少安履厚戴
高不敢忘報已而文書官丘得用送本到閣復口傳
聖諭令同官二輔臣擬票仍不准辭居正又上疏
曰仰惟 聖意惓惓臣愚敢不仰體但揆之分義實
有未安屢次瀆陳誠非得已茲強挽二臣謹擬二票
上 請伏望 聖慈俯從辭免一票庶臣愚分獲安
臣於 皇上義為君臣情同一體一念不欺之誠仰

蒙 聖鑒久矣臣若求之本心而安何故屢為矯辭
以煩瀆 聖聽且臣一日未去則思効勞一日將來
叨 恩尚未可量亦不在此一時必冀 俯從乃見
聖慈真切臣隕首碎軀不敢忘報得 旨卿功在
社稷不惟朕所眷知亦中外臣民所共聞見進秩
加恩於禮匪過乃又固辭不已朕心益用弗寧今諒
卿悃誠特准辭免太傅以成卿勞謙廉讓之美其餘
宜勉遵成命慎毋再辭吏部知道

十一日辛亥

上御文華殿講讀 元輔張居正 面奏欽蒙 聖
恩以 大婚禮成歲加臣祿米一百石原廕武職臣

男陞一級世襲着南鎮撫司僉書管事臣不勝感戴
叩頭稱謝上優答之

十二日壬子立春

上御皇極殿順天府進春百官稱賀賜三輔
臣上尊瓊饌

十五日乙卯

上御皇極殿受朝賜元輔張居正膳九品元宵全
竹葉清酒十瓶次輔張四維申時行各膳七品元宵
全竹葉清酒五瓶

十九日己未

上視朝

二十一日辛酉

上御文華殿講讀

二十二日壬戌以遼東總兵官李成梁等出邊斬

獲虜首四百七十一顆上御皇極門鴻臚寺宣奏

捷音以祭告郊廟收回脯醢果酒賜三輔

臣三卓

二十三日癸亥

上御皇極門受百官賀捷命國子監祭酒陳思

育為詹事府少詹事兼翰林院侍讀學士掌翰林院

事照舊充經筵講官纂修會典

二十四日甲子

上御文華殿講讀 輔臣張居正等 題伏蒙 發
下吏部推陞官員一本內有蘇松管糧叅政缺推山
東按察司副使周之屏湖廣按察司副使金學曾堪
以陞補臣等看得前官係近年添設訪之彼中士民
公議皆以此官為冗員不必陞補謹擬 旨下部查
議伏乞 聖明裁酌將此二員姑停點用俟該部議
定覆請 聖裁次日奉 聖旨蘇松管糧叅政該自
何時即今應否裁革還查議來說

二十六日丙寅

上視朝九卿科道官面糾來 朝官員 上親答曰
你每說的是且饒他這遭着回任用心供職在外的

行文與他每知道

二十八日戊辰

上御文華殿講讀

二十九日己巳

聖母仁聖懿安皇太后 萬壽聖節 上御皇極門
百官致詞稱賀 賜三輔臣上尊珍饌

萬曆八年二月辛未朔

三日癸酉

上視朝

五日乙亥

上御皇極殿太常寺奏祭先師孔子

六日丙子

上御皇極殿傳制祭先師孔子遣輔臣張四

維行禮

八日戊寅輔臣張居正奏該吏部題稱臣於萬曆五年九月內聞臣父憂奏乞回籍守制荷蒙皇上諭留准假歸葬旋召還內閣至萬曆七年十二